

Messadi davart la fixaziun dil pei da taglia 2019

Preziau signur president dil parlament

Prezideas parlamentarias, preziai parlamentararis

El rom dalla fusiun ei il pei da taglia per la taglia sin entrada e la taglia sin facultad vegnius fixaus sin 100 pertschien dalla taglia cantunala sempli. Quei pei da taglia ei vegnius fixaus sin fundament dalla planisaziun da finanzas per la fusiun dallas vischnauncas digl onn 2011 (per las supposiziuns fatgas da lezzas uras ed il svilup ch'ei effectiv succedius mira las explicaziuns el messadi tier il preventiv 2019). Medemamein el rom dalla fusiun ei il pei dalla taglia sin immobilias sesbassaus per la gronda part dallas vischnauncas anteriuras fermamein cun la fixaziun sin 1 promil. Quei sbassament era lu negina part dalla planisaziun da finanzas ed era negin'empermischun alla populaziun.

Avon la fusiun (2013) havevan las singulas fracziuns suandontas tariffas da taglia:

| fracziun | pei da taglia en % | taglia sin immobilias en ‰ |
|-----------------|-------------------------------|---------------------------------------|
| Castrisch | 120 | 1.00 |
| Duvin | 130 | 2.00 |
| Ilanz | 105 | 1.00 |
| Ladir | 120 | 2.00 |
| Luven | 120 | 1.75 |
| Pigniu | 130 | 2.00 |
| Pitasch | 130 | 2.00 |
| Riein | 120 | 1.50 |
| Rueun | 130 | 1.50 |
| Ruschein | 120 | 1.00 |
| Schnaus | 130 | 1.00 |
| Sevgein | 120 | 1.50 |
| Siat | 120 | 2.00 |

La survesta muossa che las entradas da taglia per la nova vischnaunca ein vegnidas reducidas fermamein en cumparegliaziun cun las entradas dallas anteriuras vischnauncas. Quellas entradas reducidas fruntan denter auter sin expensas creschontas muort decisiuns surordinadas (p. ex. scolaziun, fatgs da sanadad), investiziuns gia realisadas e futuras en projects gronds (scola professiunala e center da formaziun da lenn, untgida Glion, renovaziun digl areal dalla staziun e dils autos da posta, mira plan da finanzas 2020–2024), effects da sinergia presupponi memia optimistic sco era in grond basegn d'investar ell'infrastructura da basa.

Grazia alla buna situaziun da partenza cun la contribuziun da fusiun ein ils deivets dalla vischnaunca pil mument bass. Senza mesiras vegnan quels deivets denton a s'augmentar fermamein ils proxims onns. Tenor art. 51 dalla constituziun communal duein las finanzas esser ulivadas a vosta media. Cunscenta da quella responsablada ha la suprastanza communal ils davos dus onns fatg la proposta al parlament communal d'alzar il pei da taglia communal dalla taglia sin entrada e sin facultad da 100 pertschien sin 110 pertschien dalla taglia cantunala sempli. Omisdus gadas ha il parlament refusau la proposta. Medemamein ha il parlament refusau ella sesida dils 24 d'october 2018 in alzament dalla taglia sin immobilias proponius dalla suprastanza.

Savend che alzaments da taglia ein buca populars, denton muort ils fatgs ed en vesta al futur vesa la suprastonza communal aunc adina ei sco necessari d'alzar las entradas da taglia, sper la realisaziun dad ulteriuras mesiras. El medem mument vegn la suprastonza communal tier il conclus che la veglia politica per quei pass para presentamein buc dad esser dada. Cunquei desista la suprastonza communal da proponer in alzament da taglia.

Proposta

Sin fundament dallas explicaziuns precedentas fa la suprastonza communal la proposta da fixar il pei da taglia communal per la taglia sin entrada e facultad per igl onn 2019 sin 100 pertschien dalla taglia cantunala semplia.

Ilanz/Glion, ils 7 da november 2018

Suprastonza communal lanz/Glion